



Pou Piblikasyon Imedya: 25/05/2023

GOUVÈNÈ KATHY HOCHUL

GOUVÈNÈ HOCHUL ANONSE PRIM POU DEVLOPMAN EKONOMIK POU ANKOURAJE PLIS PASE 508 MILYON DOLA NAN ENVESTISMAN KAPITAL

Konsèy Administrasyon NYPA apwouve prim devlopman ekonomik pou Plug Power nan Konte Genesee, ranfòse devlopman idwojèn pwòp nan Eta New York

Prim enèji idwolik nan pri ki ba pral kreye 160 djòb nan Niagara Falls

Prim devlopman ekonomik pral ankouraje 16 milyon dola nan envestisman kapital prive nan North Country

Gouvènè Kathy Hochul te anonse jodi a Konsèy Administrasyon Otorite Enèji New York (New York Power Authority, NYPA) la te apwouve prim devlopman ekonomik pou twa konpayi ki pral ankouraje plis pase 508 milyon dola nan envestisman kapital epi kreye 205 djòb. Pami atik ki apwouve yo, gen alokasyon enèji idwolik nan pri ki ba pou Plug Power, yon manifakti selil kabiran idwojèn ki gen biwo santral li nan New York, pou plis devlopman sit Konte Genesee li a. Konsèy NYPA a te apwouve tou alokasyon enèji idwolik nan pri ki ba pou facilite yon ekspansyon nan Niagara Falls pou EnerPlate, yon founisè sèvis pa galvanizasyon pou sistèm batri echèl rezo a, ak CWT, yon pwodiktè ze pou kouve pou endistri volay mondal la, k ap agrandi nan Watertown.

"Enfrastrikti enèji pwòp k ap grandi New York la ak devlopman ekonomik lokal yo mache men nan men", **Gouvènè Hochul te deklare**. "Atik yo apwouve jodi a pa Konsèy Administrasyon NYPA a pral kreye djòb ki byen peye epi deklanche plizyè santèn milyon dola envestisman nan kominate nan reyion Lwès ak Nò New York yo."

Nan reyinyon jodi a, NYPA te apwouve yon alokasyon 50 megawat (MW) enèji idwolik Niagaranan nan pri ki ba pou Plug Power, ki sitiye nan Pak Fabrikasyon Avanse pou Syans & Teknoloji (Science, Technology & Advanced Manufacturing Park, STAMP) Konte Genesee a, pou sipòte pwojè ekspansyon pwodiksyon kabiran idwojèn vèt k ap koute 387 milyon dola konpayi an ki pral mennen nan kreyasyon 19 djòb adisyonèl nan lokal la. Konpayi an ap kòmanse ak konstriksyon etablisman pwodiksyon kabiran idwojèn vèt 290 milyon dola nan sit la ke Gouvènè Hochul te anonse an 2021. Pwojè ekspansyon an pral ogmante kapasite pwodiksyon idwojèn ki te planife a soti nan yon estimasyon 45 ton pa jou rive 74 ton pa jou. Konsèy NYPA a te apwouve tou yon lòt 62 MW Faktè Chaj Elve ke NYPA pral achte pou Plug Power sou mache enèji a.

Otorite Enèji a sipòte Plug Power nan twa lòt kote: Slingerlands, ki te [fini konstriksyon](#) an janvye, Latham, ak West Henrietta. An total, NYPA sipòte Plug Power ak 272 MW enèji nan pri ki ba, sa ki sipòte plis pase 2,100 djòb nan tout eta a.

Konsèy Administrasyon NYPA a te apwouve tou yon alokasyon 16 MW nan enèji idwolik Niagara nan pri ki ba pou EnerPlate, yon konpayi ki baze nan Niagara Falls ki bay sèvis atravèv galvanizasyon pou itilizasyon nan fabrikasyon sistèm batri nan echèl rezo a. Konpayi a pral envesti plis pase 105 milyon dola pou repare etablisman 90,000 pye kare li te achte ak akizisyon ekipman pou galvanizasyon—ki se yon pwosesis ki pwodui yon kouch metal sou sibstra, oswa materyèl debaz tankou kwiv oswa tengstèn, pou amelyore pwopriyete tankou kondiktivite elektrik. Materyèl amelyore yo itilize pa fabrikan batri ki espesyalize nan estokaj enèji ki soti nan sous pwòp, tankou solè ak van. Ekspansyon EnerPlate pral mennen nan kreyasyon 160 djòb nan rejon Niagara Falls.

Tou de pwojè yo sipòte dirèkteman tranzisyon eta a nan enèji pwòp pou kabòn ki fèb ak nan nizo zewo, fè avanse objektif Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a pou diminye emisyon gaz efè sè yo s 85 poustan disi 2050, epi Otorite Enèji a te konsidere yo dapre Plan Ankourajman pou Evalyasyon Travay Vèt (Green Jobs Evaluation Incentive Plan) ki te apwouvé pa konsèy NYPA an 2020. Plan an pèmèt konsiderasyon enpak djòb vèt yo lè l ap evalye aplikasyon pou enèji NYPA.

Komisyon Konsèy NYPA a te apwouve tou 320 kilowat enèji idwolik St. Lawrence nan pri ki ba pou CWT, ki ap konsti yon novo eklozri nan Watertown. Konpayi a pral envesti 16 milyon dola nan konstriksyon yon eklozri ki mezire 47,000 pye kare pou sipòte yon seri pwodwi adisyonèl pou pousen. Pwojè ekspansyon an pral ede CWT sèvi kliyan Kanadyen ak kliyan nòdès Etazini yo epi kreye 26 djòb nan North Country.

Prezidan ak Direktè Egzekitif Jeneral Pwovizwa Otorite Enèji New York la, Justin E. Driscoll, te deklare, Afektasyon kouran ki apwouve pou CWT a pral ranfòse sektè agrikilti New York la, li pral kreye 26 djòb epi ankouraje 16 milyon dola nan envertisman prive nan Watertown. Lè li pwofite enèji idwolik, Pwojè Enèji St. Lawrence-FDR la rete yon gwo motè devlopman ekonomik pou kominote yo atravè North Country."

Prezidan Otorite Enèji New York la ak Rezidan Buffalo, John R. Koelman, te deklare, Pwogram elektrisite bon mache a ap estimile envertisman a gran echèl ak ogmantasyon travay nan kominote atravè eta a. "Lè yo pwofite enèji idwolik Niagara, Otorite Enèji a ap ankouraje envertisman kominotè a gwo echèl ak kwasans travay nan Lwès New York. Alokasyon idwo enèji jodi a pou Plug Power ak EnerPlate sipòte konpayi yo nan solisyon enèji pwòp modèn yo, fè avanse objektif ajanda klimatik ak enèji pwòp Eta a k ap mennen nan peyi a."

Senatè Eta a ak Prezidan Komite sou Enèji ak Telekominikasyon (Energy and Telecommunications Committee) Sena, Kevin Parker, te deklare, "Ekonomi New

York la ap rebondi, epi prim devlopman ekonomik sa yo se yon siy klè pwogrè sa a. Mwen kontan ke envestisman sa yo pa pral sèlman pote nouvo djòb ak kwasans ekonomik pou kominate nou yo men li pral ede tou avanse inisyativ enpòtan tankou enèji renouvlab, lojman abòdab, ak devlopman mendèv. Mwen pa ka tann enpak pozitif pwojè sa yo pral genyen sou ekonomi eta nou an pou ane k ap vini yo."

Manm Asanble ak Prezidan Komite Enèji a, Didi Barrett, te deklare, Eta New York te parèt kòm yon lidè nan montre kijan dekabonizasyon ka ankouraje devlopman ekonomik, ak fason nou ka atenn objektif CLCPA nou yo pandan n ap atire nouvo biznis ak teknoloji enèjetilk nan eta a. Anons jodi a pou bay enèji nan pri ki ba nan pwojè ekspansyon pwodiksyon kabiran idwojèn vèt Plug Power a, pwodiksyon sistèm batri nan echèl rezo EnerPlate la, ak eklozri CWT a pral sèvi kòm sipò enpòtan pou teknoloji k ap evolye rapid sa yo, pandan y ap kreye bon travay ki peye nan sektè enèji vèt nou an."

Kouran idwolik bon mache Niagara a disponib pou konpayi yo ki nan yon reyon 48 kilomèt de Pwojè Kouran Niagara Otorite Enèji a oswa biznis yo ki nan Konte Chautauqua.

Konsèvasyon Kouran an konpoze de 490 megawat idwoelektrisite nan pri konpetitif ki pwodui nan Pwojè Elektrisite Franklin D. Roosevelt, St. Lawrence lan ki ka atrible pou biznis ki kalifye yo ki sitiye nan konte Franklin, Jefferson ak St. Lawrence Eta New York.

Plan Klimatik Nasyonal Eta New York

Ajanda klimatik Eta New York la k ap mennen nan nasyon an fè apèl ak yon tranzisyon ki kòrèk epi ki jis ki kreye travay ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 poustan, avèk yon objektif 40 poustan, nan avantaj envestisman enèji pwòp yo ale nan kominate defavorize yo. Gide pa kèk nan inisyativ klimatik ak enèji pwòp ki pi agresif nan nasyon an, New York se sou yon chemen pou reyalize yon sektè elektrisite zewo emisyon disi 2040, ki gen ladan pwodisyon enèji renouvlab 70 poustan an 2030, ak netralite kabòn nan tout ekonomi an nan mitan syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 35 milya dola nan 120 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 1.8 milya pou devlope enèji solè, plis pase 1 milya dola pou inisyativ transpò pwòp ak plis pase 1.8 milya dola nan angajman NY Green Bank yo.

Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans 2,100 poustan nan sektè solè distribiye a depi 2011. Pou diminye emisyon gaz ki lakòz efè tèmik ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon yo vann nan Eta a gen zewo emisyon disi 2035. Patenarya yo ap kontinye avanse aksyon klimatik New York la ak prèske 400 Kominote Entelijan pou Klima ki anrejistre ak 100 sètifye, prèske 500 Kominote Enèji Pwòp, ak pi gwo kominate inisyativ siveyans lè kominotè Eta a nan 10 kominate defavorize atravè eta a pou ede lite kont polisyon lè a ak konbat chanjman klimatik la.

Enfòmasyon sou NYPA

NYPA, ki se pi gwo òganizasyon elektrik piblik eta a ki nan nasyon an, ap jere 16 etablisman ki ap jenere elektrisite ak plis pase 2,253 kilomèt sikwi liy transmisyon yo. Plis pase 80 pouzan elektrisite NYPA pwodwi se enèji idwolik renouvlab ki pwòp. NYPA finanse operasyon li yo apati obligasyon yo vann ak revni li resevwa an gran pati atravè elektrisite yo vann. Pou w jwenn plis enfòmasyon vizite www.nypa.gov ak swiv nou sou [Twitter](#), [Facebook](#), [Instagram](#), [Tumblr](#) ak [LinkedIn](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)